

hraða, að dómi hafnarstjóra, ber því að víkja fyrir öðrum skipum, ef hann krefst þess. Rísi ágreiningur um, í hverri röð skip skuli leggjast að hafnarbryggjunni, sker hafnarstjóri úr. 10. sept.

13. gr.

Beri nauðsyn til, að skipum, sem ferma eða afferma við hafnarbryggjuna, sé lagt hverju við annars hlið, er heimilt að flytja farm þeirra, sem utar liggja, yfir þilför hinna. Sama gildir um fólk og farangur þess.

14. gr.

Vörur, sem flytja á brott eða affermdar eru, mega ekki liggja á hafnarbryggjunni, svo að tálmi umferð eða afgreiðslu við hana. Engar vörur eða muni má geyma á hafnarbryggjunni um langan né skamman tíma, nema með leyfi hafnarstjóra.

15. gr.

Þegar fermingu eða affermingu er lokið, skal skipstjóri eða afgreiðslumaður láta ræsta bryggjuna, ef þörf gerist. Farist það fyrir, skal hafnarstjóri sjá um, að það sé gert á kostnað afgreiðslumanns eða skipstjóra.

16. gr.

Heimilt er heimabátum í Bolungavík, og öðrum er stunda sjóróðra þaðan, að slægja afla sinn á hafnarbryggjunni eftir því sem við verður komið, án endurgjalds, þó svo að ekki hamli umferð við hana, eða fermingu eða affermingu annarra skipa. Að lokinni aðgerð ber formanni að sjá um, að aflinn sé þegar fluttur á burt af bryggjunni og láta ræsta þann hluta hennar, sem notaður var. Farist það fyrir, ber hafnarstjóra að sjá um, að það sé gert á kostnað formanns.

V. KAFLI

Um gjöld til hafnarsjóðs.

17. gr.

Hvert fljótandi far, sem leggst við festar innan takmarkalínu Bolungavíkur-hafnar, skal greiða lestagjald. Lestagjald greiðist í hvert skipti sem skip kemur í höfnina, með þeim undantekningum, er um getur síðar í þessum kafla. Þó skulu eftirtalin skip undanþegin lestagjaldi: Herskip, varðskip, vitaskip, skip, sem leita hafnar vegna illviðris, sjóskaða eða skemmda á skipi og hafa ekki samband við land, skip, sem leita þurfa læknishjálpar eða koma til þess að taka eða skila á land heimilisföstum Bolvíkingum, enda stundi skipin ekki strandferðir og fá ekki aðra afgreiðslu í höfninni. Lestagjöld sem og önnur gjöld til hafnarinnar renna í hafnarsjóð.

Alls staðar þar, sem miðað er við lestastölu skipa í neðanskráðum gjaldskrá, er átt við brúttó rúmlestir.

18. gr.

Lestagjald.

Lestagjald skal greiða samkvæmt neðanskráðri gjaldskrá:

1. Skip skrásett eða heimilisföst í Bolungavík.
 - a. Árabátar kr. 25.00.
 - b. Vélbátar undir 5 rúml. kr. 100.00.
 - c. Vélbátar 5—30 rúml. kr. 200.00.
 - d. Vélbátar 30 rúmlestir og yfir kr. 200.00 af 30 smál. og kr. 4.00 af hverri rúmlest þar yfir.
2. Önnur skip (fiskiskip):
 - a. Vélbátar undir 5 rúml. kr. 10.00 í hvert skipti, þó eigi yfir kr. 200.00 á ári.

119
10. sept.

- b. Vélbátar 5—30 rúml. kr. 25.00 í hvert skipti, þó eigi yfir kr. 400.00 á ári.
- c. Vélbátar 30 rúml. og yfir kr. 1.00 á hverja rúmlest hverju sinni. Gjaldið reiknast þó eigi oftar en 5 sinnum í mánuði.
- 3. Önnur skip:
 - a. Skip undir 1000 rúmlestum kr. 0.40 á rúml. í hvert skipti.
 - b. Skip yfir 1000 rúmlestir kr. 400.00 af 1000 rúml. og kr. 0.20 af hverri umfram lest í hvert skipti.
 - c. Innlend strandferðaskip undir 200 rúml. kr. 0.20 af hverri rúml. í hvert skipti.

19. gr.

Ljósagjald.

Öll skip, sem greiða lestagjald, greiði samtímis ljósagjald eftir neðanskráðri gjaldskrá:

- 1. Skip skrásett eða heimilisföst í Bolungavík:
 - a. Skip yfir 12 rúml. greiði kr. 1.00 á rúmlest, þó ekki undir kr. 100.00 á ári.
 - b. Fiskveiðiskip skrásett eða heimilisföst utan Bolungavíkur, 12 rúmlestir og stærri greiði kr. 10.00 fyrir 30 rúmlestir og kr. 0.20 fyrir hverja rúmlest þar yfir, þó ekki oftar en tvisvar í mánuði.
 - c. Öll önnur skip greiði kr. 0.20 fyrir hverja lest hverju sinni, þó aldrei meira en kr. 90.00 hverju sinni.
 - d. Strandferðaskip undir 200 rúml. greiði kr. 200.00 á ári.

20. gr.

Bryggjugjald.

Bryggjugjald skulu öll skip, sem leggjast að hafnargörðum eða hafnarbryggjum í Bolungavíkurhöfn greiða, eftir neðanskráðri gjaldskrá:

- 1. Skip skrásett eða heimilisföst í Bolungavík: Allir vélbátar skrásettir eða heimilisfastir í Bolungavík greiði kr. 5.00 á smálest á ári. Lágmarksgjald skal vera kr. 100.00 á ári á bát.
- 2. Önnur fiskiskip greiði kr. 0.50 á smálest í hvert skipti, þó ekki yfir kr. 200.00 á mánuði.
- 3. Innlend strandferðaskip undir 200 smálestum greiði kr. 0.20 á hverja rúmlest, þó ekki yfir kr. 500.00 á ári.
- 4. Önnur skip, þar með talin vöruflutningaskip, þótt þau séu í strandferðum, greiði kr. 0.35 fyrir hverja lest í hvert skipti.

Fyrir sérstaka notkun á öldubrjótnum og landi hafnarinnar, svo sem til síldarsöltunar, vöruheymslu o. f. l., skal hafnarnefnd ákveða sérstakt gjald eða semja við viðkomandi aðila. Óheimil eru afnot af öldubrjótnum til þess háttar starfsemi, nema leyfi hafnarnefndar komi til.

21. gr.

Bryggjugjald greiðist einu sinni fyrir hvern sólarhring, sem skip liggur við bryggju, þegar greitt er fyrir hvert skipti.

22. gr.

Vatnsgjald.

Fyrir að taka neyzluvatn eða vatn til véla skipa o. fl., úr vatnsleiðslum hafnarinnar, skal greiða vatnsgjald samkvæmt neðanskráðri gjaldskrá:

- 1. Skip skrásett eða heimilisföst í Bolungavík, greiði kr. 10.00 fyrir hverja rúmlest, þó ekki undir kr. 20.00 í hvert skipti.

2. Önnur skip greiði kr. 12.00 fyrir hverja rúmlest, þó ekki undir kr. 40.00 í hvert skipti. 119

10. sept.

23. gr.

Skipstjóri aðkomuskips ber ábyrgð á öllum gjöldum af skipi sínu til hafnarinnar. Skip má ekki leggja úr höfn, nema gjöld þess séu greidd. Er heimilt eftir kröfu hafnarvarðar eða hafnarstjóra að stöðva för skips með fógetavaldi, ef gjöld þess hafa ekki verið greidd áður en það fer úr höfninni, og hefur hafnarsjóður haldsrétt í því.

Afgreiðslumaður aðkomuskipa ber ábyrgð á gjöldum skips, sem hann annast afgreiðslu fyrir. Eigandi skips og útgerðarmaður bera einnig ábyrgð á gjöldum skipa sinna, hvort sem um aðkomuskip er að ræða eða ekki.

Gjalddagi árgjalda samkv. framanskráðum skrám er 1. febrúar fyrir hvert liðandi ár eða í fyrsta skipti, sem skip kemur á höfnina á árinu.

24. gr.

Vörugjald.

Af öllum vörum og skepnum, sem fluttar eru úr skipi eða í innan hafnarinnar, svo og af afla þeirra báta eða skipa, sem gerðir eru út frá Bolungavík og/eða leggja afla sinn þar á land, skal greiða vörugjald til hafnarsjóðs Bolungavíkur samkvæmt gjaldskrá þeirri, sem hér fer á eftir:

1. flokkur. Aflagjald:

- a. 1.00 kr. hver 100 kg: Allur fiskafli, slægður með haus, þar á meðal sild og rækjur.
- b. 0.80 kr., hver 100 kg: Allur fiskafli óslægður og úrgangsfiskur.
- c. 0.50 kr. hvert mál: Skelfiskur.

2. flokkur. Kr. 0.75 hver 100 kg:

Hraðfrystur fiskur, saltfiskur, sild útskipuð frá Bolungavíkurhöfn.

3. flokkur. Kr. 2.00 hver 100 kg:

Harðfiskur, beitusild, fiskmjöl, fiskur nýr eða ísvarinn, slægður eða óslægður, hráolía, síldarmjöl, smokkfiskur, tilbúinn áburður.

4. flokkur. Kr. 4.00 hver 100 kg:

Brúnkol, kol, mór, salt, kalk, múrsteinn, sement, steinsteyptar vörur, steypustyrktarjárn, vikur, vikursteinn, þakjárn, þakplötur, fiskbein (hörð), fiskilínur, hey, kornvörur allar, lyf, lyfjavörur, mjólk síldarlýsi, áburðarolía, asbestpípur, ávextir (nýr, niðursoðnir og þurrkaðir), þaðlyf, blý, blöð, brauðvörur, brýni, bækur, dráttarvélar og aðrar skyldar vélar, eldavélar, eldfastur leir og steinn, feiti, gaddavír, garnir, gólfdukur, grænsápa, gærur, hevvinnuvélar, hverfisteinar, jarðvinnsluvélar, járn, járnkeðjur, járnþípur, kaðlar, kaffi, kakaó, kartöflur, aðrir garðávextir, kitti, kjöt, kopar, koparvír, kork, krít, kælskápar, leður, leirvörur, litarvörur, mör, niðursuðuvörur, nýlenduvörur, ofnar, pappi, pappír, hvers konar pokar, pokastrigi (hessian), rúðugler, saumavélar, saumur, segldúkur, seglgarn, skilvindur, smjör, smjörlíki, smjörlikisolíur, steinn, sódi, stál, stálvír, stálvörur, steyptar járnvörur, sykur, te, tjara, togleður, tólg, tvistur, ull, vaxdúkur, vélar, vélahlutar, vír, vírnet, vörubifreiðar, þvottaefni, þvottasápa, þvottavélar, dúnn, fiður, eldspýtur, glervörur, glysvörur og þess háttar, leðurvörur, leikföng, þrjónavörur, skinnavörur, skófatnaður, súkkulaði, sælgætisvörur, tóbaksvörur, vefnaðarvörur, vín, vínandi.

Allar vörur ótalðar annars staðar, sem reiknast eftir þyngd.

5. flokkur. Kr. 8.00 hver 100 kg:

Fólksflutningsbifreiðar, húsgögn, orgel, píanó. Fyrir ferðabifreiðar, hvers

119
10. sept.

konar, skal aðeins greiða kr. 15.00 fyrir hverja, fyrir hvert skipti, fram og aftur samanlagt. Líði meira en 6 mánuðir milli ferða reiknast gjaldið aftur. Sama gjald greiðist fyrir jarðvinnsluvélar, sem fluttar eru vegna vinnu og um höfnina fara. Séu vélarnar yfir 6 smálestir er gjaldið kr. 50.00.

6. flokkur. Kr. 2.50 hvert stykki:

Sauðfé, endursendar umbúðir, tóm föt og tunnur, loðdýr.

7. flokkur. Kr. 4.00 hvert stykki:

Gosdrykkir, svaladrykkir, öl, benzín á tunnum, fernisolia, lýsi, lýsiskvoða, kjöt í tunnum, sild í tunnum, smurningsoliur, steinolia og aðrar vörur fastar eða fljótandi, sem fluttar eru í þess konar ílátum, ótaldar annars staðar. Súr- og gas-hylki, full og tóm, stykkjavara að 100 kg, ótalin annars staðar.

8. flokkur. Kr. 10.00 hvert stykki:

Hestar, nautgripir, svín.

9. flokkur. Kr. 0.30 hvert rúmfet:

Timbur og aðrar vörur, sem reiknast eftir rúmmáli, ótaldar annars staðar.

Vöru skal flokka til gjaldskrár eftir því sem vörugjaldskrá tiltekur, og greiðist gjaldið eins og þar segir, þó skal aldrei reikna vörugjald lægra en kr. 4.00, og brot úr gjaldeiningu reiknast sem heil.

25. gr.

Vörugjald af afla greiðist að hálfu leyti af óskiptum afla, en að hálfu leyti af kaupanda aflans. Kaupandi skal innheimta aflagjald það, sem reiknast af óskiptum afla og standa skil á því til hafnarsjóðs innan viku frá gjalddaga. Kaupandi ber ábyrgð á öllu gjaldinu gagnvart hafnarsjóði. Gjaldið fellur í gjalddaga, þegar afla er skipt, eða hann afreiknaður hjá kaupanda.

Vörugjald af öllum aðfluttum vörum greiðir móttakandi, en sendandi af útfluttum vörum, og er það gjaldkræft, er skipið, sem vöruna flytur, er komið á höfnina eða áður en það flytur vöru brott.

Afgreiðslumaður skips skal ávallt standa innheimtumanni skil á vörugjaldinu. Rétt á afgreiðslumaður á innheimtulaunum samkvæmt samningi við hafnarnefnd.

Brot úr gjaldeiningu reiknast sem heil eining. Leiki vafi á því, í hvaða gjaldflokki skuli telja einhverja vöru, sker hafnarstjóri úr.

Skipstjóri skips, sem hefur farm sinn skráðan, skal láta hafnarstjóra eða hafnarverði í té eftirrit af farmskránni. Skipstjóri skips, sem ekki hefur farm sinn skráðan, skal gefa hafnarstjóra eða hafnarverði skýrslu um farminn, þegar er skipið kemur í höfnina og áður en það lætur úr höfn. Sama skylda hvílir á afgreiðslumanni skips. Verði ekki sannreynt, hvert vörumagn skip flytur, er hafnarstjóra heimilt að meta magnið til vörugjalds. Sá sem lætur fyrir farast að gefa nefnda skýrslu eða gefur ranga eða villandi skýrslu um farm skips, hefur með því gerzt brotlegur við reglugerð þessa. Skipstjóri og útgerðarmaður þess skips, sem flytur óskráðar vörur, ber ábyrgð á greiðslu vörugjalds af þeim vörum, og einnig sá, sem annast afgreiðslu slíkra skipa. Hafnarsjóður hefur haldsrétt á vörum, unz vörugjald er greitt.

26. gr.

Undanþeginn vörugjaldi er póstflutningur, farþegaflutningur, vistir og aðrar nauðsynjar til skipa til eigin þarfa, svo og vörur, sem lagðar eru á land til umskipunar til annarra hafna.

27. gr.

Öll gjöld og sektir samkvæmt reglugerð þessari má taka lögtaki.